

四明叢書

張宗祥

豐清敏公遺事新增附錄

遺書四

十一世孫豐慶編次

後學天台陳聰看詳

註孟子三章

朱子集註中錄出

殺之而不怨利之而不庸民曰遷善而不知爲之者

豐氏曰因民之所惡而去之非有心於殺之也何怨
之有因民之所利而利之非有心於利之也何庸之
輔其性之自然使自得之故民曰遷善而不知誰
之所爲也

不能三年之喪而總小功之察放飯流歠而問無齒決
是之謂不知務

豐氏曰智不急於先務雖徧知人之所知徧能人之
所能徒倣精神而無益於天下之治矣仁不急於親
賢雖有仁民愛物之心小人在位無由下達聰明日
蔽於上而惡政日加於下此孟子所謂不知務也

高子曰禹之聲尙文王之聲

豐氏曰言禹之樂過於文王之樂

孟子曰何以言之曰以追蠡

豐氏曰追鐘紐也周禮所謂旋蟲是也蠡者齧木蟲也言禹時鐘在者鐘紐如蟲齧而欲絕蓋用之者多而文王之鐘不然是以知禹之樂過於文王之樂也曰是奚足哉城門之軌兩馬之力與

豐氏曰奚足言此何足以知之也軌車轍迹也兩馬一車所駕也城中之涂容九軌車可散行故其轍迹淺城門惟容一車車皆由之故其轍迹深蓋日久車多所致非一車兩馬之力能使之然也言禹在文王前千餘年故鐘久而紐絕文王之鐘則未久而紐全

不可以此而議優劣也

幸學詩

和呂大防韻

鳳幄雲開日月章
九霄鳴蹕下虞庠
朝元俊事鴻成列
拱極名臣玉照行
問道賈生稱五學
乞言戴聖美三王
上心夙悟周公戒
天下安危自一堂

開封府學石刻

送豐稷

曾鞏

桃華染破南山青
漢江此時春水生
客舟相語人夜起
勁艫亂江羣雁聲
之君飄泊動歸思
告我舉裝千里行
閔材壯思風雨發
綠鬢少年冰雪清
讀書一見若經誦

下筆千言能立成精微自得有天質操行秀出存鄉評
嗟從薄祿困流滯能誘鄙俗銷紛爭絃歌躬勸士強學
田里堵安人力耕嗟予據案但畫諾遇事縮手方蒙成
雖知璞玉難強獻欲挂塵榻空含情歲寒不變迺知確
物理先否終當亨維舟且盡今夕語明日帆隨白鳥輕

元豐
類藁

祠堂記

宋
袁燮

行天下之大道立天下之大節惟豪傑之士能之蓋豪
傑之士天資高學力固不爲世俗氣味之所誘怵此之

所甚異於常人也嗚呼若尙書清敏豐公者眞所謂豪傑之士也歟歷事三朝以道自任魏乎如泰華之崇如金石之堅凜乎如冰霜之潔夷險一致始終不渝公道賴以維持善人賴以植立至今海內咸推尊之蓋嘗誦公之詩有曰日月往來無成期好把心源蚤夜思而後知公之所以特立者源乎是心而已大哉心乎天地同本精思以得之兢業以守之則亦可以與天地相似簞食豆羹得之不得死生分焉呼而與之不受蹴而與之不屑人之本心何嘗不剛哉物欲搖之不能無動而本

然之剛轉而爲弱矣弱而不返以順爲正自同妾婦豈
不悲哉公之使絕域涉巨海震風折檣勢將覆矣恬弗
爲懼正色立朝辨宣仁之誣排章蔡之姦論熙寧之法
度以爲當改寧與時忤不爲已計非有得於心能如是
乎內而退朝之後外而公事之餘一處一室恬無他好
惟以圖史自娛不侈奉養不畜妾媵蕭然一山林學道
之士也名位清顯餘三十年所得俸賜散與親故家無
餘貲歲晚還鄉有田纔一十畝敝廬僅十餘閒陶然自
適年逾從心鬢髮不白陳忠肅公謫居於鄞於是得朋

病且危猶與陳公對語清爽如平日然所養之深於是可覘矣公之四世孫有俊收儀真崇尚風教以公熙寧中嘗主簿六合也爰卽縣庠繪像祠之昭乃祖之高風勁節而囑嚮識其事惟公言行之懿難以枚舉然其源於是心者後學之所當知也表而揚之觀者悚然濯磨舊習跂慕前修而知立身之要者如是庶有益乎雖然公之踐履非有意爲之也真積力久德盛仁熟自頂至踵全體精明循而之亦不自知所以然也蓋有本者如是無本於中襲於外雖有小善的然可觀豈能曰

進無彊老而彌篤哉覽者盍致思焉

宣和遺事一則

壽鏞案原書題次在
幸學詩後而未列曰

建中靖國元年大赦天下用丞相章惇言舉蔡京爲翰林學士滿朝上下皆喜諛佞阿附權勢無人敢言其非獨有御史中丞豐稷同著殿中侍御史陳師錫共寫著表文一道奏蔡京奸惡表文云臣豐稷陳師錫等叨被聖恩濫居言路事有當言而不言臣爲曠職竊原作切見公朝近除蔡京充翰林學士句當者緣蔡京身爲禁從外結后族交締東朝伏望獨斷出之於外若果用蔡京

則治亂自此分矣祖宗基業自此壞矣又資政殿學士知江寧府蔡卞乃王安石之壻與京兄弟同惡迷國誤朝爲害甚大乞正典刑臣日夜爲陛下憂爲宗廟憂爲天下賢人君子憂若黜貶京等於外則閒言不入於慈闈聖慮可忘於憂患實宗廟社稷之福也表上徽宗謂豐稷道事礙東朝卿當熟慮豐稷奏言自古母后臨朝那曾見有如聖母手書還政的可做萬世法則但是日卽在外則聞向宗良宗回藉勢妄作在內則聞張琳裴彥臣等凶醜熾然又有蔡京交通其間臣愚欲乞戒飭

后家放逐張琳等黜蔡京於外庶絕朝廷之憂徽宗不從

豐清敏公遺事新增附錄

約園刊本

豐清敏公遺事新增附錄

遠祖清敏公遺事一編公門人章貢李朴所錄紫陽朱
夫子爲之後序先君子典教維揚時嘗筆於家譜中正
統乙丑慶丁內艱還鄞謁宗人彥功於上虞復得刻本
其辭與先君所錄者同但篇中章惇字不書以御名
二字註之避光宗廟諱也豈刻於其時耶卷尾朱書歲
在庚午仲春重葺而表襮皆洪武中廢簡則葺於國朝
洪武廿三年也嗚呼先公以聖賢之學直諫之節進與
時忤卒老謫所誌墓者旣不敢述其詳作史者又不及
竟其實嚮無此編則其正言讜論豐功偉烈千百載下

不幾泯乎此上世之所梓行先君之所重錄蓋非直不
忘先德實欲後人邇流求源範文獻而廣孝敬也謹加
校定重壽諸梓若其門人陳忠肅公所敘次及當時褒
謚綸誥宋史列傳皆仍其舊題爲附錄復蒐輯公所遺
著作并南豐曾先生所贈歌行袁學士所譔祠堂記併
附錄後藏諸家塾庶幾成先君之志尙俟徵文獻者有
所覽云景泰六年歲在乙亥九月旣望賜進士出身朝
列大夫河南等處承宣布政使司右參議十一世孫慶
謹識

豐清敏公遺事續增附錄

後學鄧 張壽鏞詠霓驛

敕

工部員外郎敕

敕具官某周官司空之職曰居四民時地利蓋宮室械
器之事不及焉朕方以共儉自居凡興建百役有所未
暇而大河西流水性未得冬官之責莫斯為重爾性質
方厚居官可紀往佐爾長職思其憂以稱意朕可集

贊

聖朝每之選寫經刊金

明
李堂

宋禮部尚書清敏豐公贊

明
李堂

穀城清平臺諫直貞力扶元祐獲罪崇寧孤忠勁節正
學完名卓哉清敏永冠四明

右為李堇山鄉先生贊十五首之一

堇山
集

湖語清敏公贊

清

全祖望

宜之侃侃難進易退含香對命百僚所畏

鮑崎亭
文集

詩

襄陽人歌

葉光化豐穀城清如水平如衡

李朴編清
敏公遺事